



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Diplomatvm Belgicorvm Libri Dvo

Le Mire, Aubert

Brvxellis, 1627

39. Lambertus Episcopus Atrebatensis praedia Strumensis coenobij (quod est monialium Benedictinarum in agro Atrebatensi) confirmari postulat à Paschali II. Papa.

**urn:nbn:de:hbz:466:1-10903**

## C A P V T X X X I X .

*Lambertus Episcopus Atrebatensis pradia Strumensis cœnobij ( quod est monialium Benedictinarum in agro Atrebatensi ) confirmari postulat à Paschali II. Papa.*

**R**euertissimo domino & patri patrum carissimo, PASCHALI Papæ LAMBERTVS, Dei miseratione Atrebatium Episcopus, continuam Spiritus sancti consolationem.

Soror & filia nostræ Ecclesiæ, Abbatissa FVLGENDIS præsentium latrix, multum rogauit, per nos Sanctitati vestræ commendari. Rogamus ergò paternitatis vestræ dulcedinem, quatenus præsentem Abbatissam, in eo quo nunc est loco, professione & ordine, pondere vestræ auctoritatis, saluo in omnibus iure & canonica dispositione Atrebatensis Episcopi, confirmare dignemini.

Locum monasterij, qui dicitur *Strum*, & altare de Hamartuilla, sicut prædecessor meus domnus GERARDVS Episcopus concessit, & scripto suo consignauit; nos quoque spe & amore religionis, huic præsentis Abbatissæ, succedentibusque sibi Abbatissis, in monasterio, quo nunc esse dignoscitur, regulariter electis, canonicè promouendis, & absque sæculari strepitu victuris possidendas concedimus.

Ceteras autem res & possessiones iustè acquisitas & acquirendas, propter infestationes & deprædationes prauorum hominum, nihilominus corroborare velitis. Sancta Trinitas, Deus noster, sollicitudinem vestram diutius custodiat incolumem, pro Ecclesia sancta Catholica laborantem & orantem.

## N O T A T I O N E S .

PASCHALIS II. Papa an. 1099. creatus, an. 1118. decessit.

LAMBERTVS) primus ac proprius Episcopus Atrebatensibus (post separationem à sede Cameracensi) an. 1093. ab Urbano II. datus, an. 1115. obiit. Cuius hoc epitaphium Atrebatim in cathedrali legitur:

Anno Domini millesimo centesimo decimo quinto, xvi. Kalendarum Iunij, obiit beatæ memoriæ Lambertus huius Atrebatensis sedis Cardinalis Episcopus. Per hunc restituta est dignitas huius Episcopatus, quæ per multa tempora Cameracensi Episcopo fuerat  
commen-



commendata. Huic Episcopo, & duobus iaculatoribus, Itherio & Normanno, beata Maria in ecclesia apparuit, dans eis candelam, per quam sanantur ardentibus igne malo.

De cereo isto Atrebatensi fuse egimus in Fastis Belg. 30. Iunij.

## C A P V T X L.

*Willelmus, Flandriae Comitis filius, an. 1118. Loense  
monasterium dotat.*

**I**N nomine sanctae & indiuiduae Trinitatis. Ego WILLELMVS, Dei miseratione Philippi Comitis filius, mente pertractans quam nihil sint vniuersa, quae temporaliter currunt, reuera perpendo, quod nullae possessiones vel hereditates melius ac tutius conseruantur, quam quae in caelestes thesauros manibus pauperum iugiter collocantur, seruorumque Dei vsibus in perpetuum profutura offeruntur.

Vnde pijs petitionibus domini GERARDI libenter assentiens, Loensi ecclesiae S. Petri Apostoli, cui idem, Domino gubernante, deseruiebat, tres mensuras, pro remedio animae meae, ac patris mei, omniumque parentum meorum, omnino ab omni exactione & debito in perpetuum liberis contradidi; denique huius donationis confirmationem, concedente vxore mea, feci.

Et sciant vniuersi sanctae Ecclesiae filij, quoniam ambo concedimus, vt praedictae mensurae, ad opus Canonorum, & sustentationem pauperum, in potestate supra nominati Praepositi, successorumque eius, omni tempore consistant, & ab omni grauamine mundanae oppressionis in sempiternum quiete permaneant.

Et vt haec mea deuotionis oblatio irrefragabiliter confirmetur, & à nemine mortalium temere infringatur, chartam istam sigilli mei impressione ego signari decreui, subsequentibusque testibus attipulando corroborati.

Signum Fibolfi Castellani Bergensis.

S. Tietbaldi Ariensis.

S. Goiffredi.

S. Rodulfi fratris eius.

S. Eustathij.

S. Alardi